

卷一百五十六



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百五十六
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 太官署 珍羞署

良醞 主簿 掌醢署 武庫署 武器署 左右都候

丞 守宮署 主簿 公車司馬令 武庫署 左右都候

丞 諸陵署 主簿 崇玄署 典廩署

丞 典牧署 主簿 乘黃署 諸牧監

司直 丞 評事 監 獄丞

彩色首頁1

東洋文化研究所漢籍目錄 編號: B3510400
 東洋文化研究所漢籍目錄所藏漢籍善本文影像資料庫 索書號: 貴重-17
 漢籍善本文影像資料庫文本杜氏通典二百卷 嘉靖十八年西樵方獻夫刊本
 版權所有: 東京大學 東洋文化研究所
 使用上的注意事項

杜氏通典卷第一百五十五終

杜氏通典卷第一百五十六

兵九

以逸待勞

師不襲遠

餌敵取勝

軍勝虜掠被追襲多敗

抽軍附

卑辭怠敵取之

稱降及和因懈敗之

兩軍相對取背破之

兩軍相對繼遣軍助即勝

兵多力有餘宜分軍相繼

我寡敵衆自遠至乘疲敗之

挑戰

敵處高勿攻

敵黨急之則合緩之則離

假托安衆

孫子曰凡先處戰地而待敵者佚

形有餘力也言已處地以待敵

人之來則軍有備士馬閑逸

後處戰地而趨戰者勞

若敵已處地之勢已方

赴則士馬勞倦

故善戰者致人而不致於人

言兩軍相遠強弱俱敵彼可使

歷險而來我不可歷險而往必能引致敵人已不往從也

能使敵自致者利之也

誘之

以近待遠以逸待勞以飽待饑此理力者也

以我之近待彼之遠以我之閑逸待彼之疲勞

以逸待勞

梁司州刺史柳仲禮留其長史馬岫守安陸自率步

騎一萬寇西魏襄陽西魏將楊忠帥衆南伐攻梁陸

郢克之進圍安陸仲禮聞隨郡陷恐安陸不守遂馳

歸赴援諸將恐仲禮至則安陸難下請急攻之忠曰

攻守勢殊未可卒拔若引日勞師表裏受敵非計也

南人多習水軍不閑野戰仲禮廻師已在近路吾出

其不意以奇兵襲之彼怠我奮一舉必克則安陸不

攻自援諸城可傳檄而定也於是選騎二千銜枚夜

進遇仲禮於滌

滌音崇水

忠親自陷陣擒仲禮悉俘

其衆安陸及境陵郡皆降如忠所策○後周遣將率

突厥之衆逼齊晉陽齊將段韶禦之時大雪之後周

人以步卒為前鋒從西山而下去城二里諸將咸欲

逆擊之韶曰步人氣力勢自有限今積雪既厚逆戰

非便不如陣以待之彼勞我逸破之必矣既而交戰大破之敵前鋒盡殪無復孑遺自餘通宵奔遁

孫子曰國之貧於師者遠輸遠輸則百姓貧兵車轉運千里

之外財則費於道近師者貴賣其賣則百姓財竭言近路人有困窮者市多非常之買當時貪貴以趨未利然後財貨殫盡國家虛也

師不襲遠

春秋時秦伯使大夫杞子戍鄭使告于秦伯曰鄭人使我掌其北門之管管鑰若潛師而來國可得也穆公

訪諸蹇叔蹇叔曰勞師以襲遠非所聞也蹇叔秦師大夫

勞力竭遠主備之無乃不可乎且行千里其誰不知

公辭焉辭不受召孟明西乞白乙使出師于東門之

外蹇叔哭之曰孟子吾見師之出而不見其入也蹇

叔之子與師哭而送之曰晉人禦師必於殽有二陵

焉大阜曰陵其南陵夏后臯之墓臯夏之祖其北陵文王之

所避風雨此道在二殽之間南谷中谷深委曲兩山相礙故可以避風雨古道由此魏武帝西

討巴漢惡其險而更開此山高道必死是間余收爾骨焉秦師遂東

原軫曰秦豈蹇叔而以貪勤人天奉我也秦與秦不

可失敵不可縱縱敵患生遠天不祥必伐秦師藥枝

曰未報秦施而伐其師其為死君乎先軫曰秦不哀

吾喪而伐吾同姓秦則無禮何施之為吾聞之一日

縱敵數世之患也謀及子孫可為死君乎言不可遂謂背君

發命遽與姜戎子墨衰絰晉文公未葬故襄公稱遂子以凶服從戎故墨之

敗秦師于殺獲百里孟明視西乞術白乙丙以歸
孫子曰餌兵勿貪以小利來餌已
士卒無取也

餌敵取勝

後漢末曹公西征馬超與超夾關爲軍公急持之而
潛遣徐晃朱靈等夜渡蒲坂津據河西爲營公自潼
關北度未濟超赴船急戰公放牛馬以餌賊賊亂取
牛馬公得度循河爲甬道而南賊退距渭口公乃多
設疑兵潛以舟載兵入渭爲浮橋夜分兵結營於渭
南賊夜攻營伏兵擊破之○後漢末曹公與袁紹相
持官渡曹公循河而西紹於是渡河追公軍至延津
南公勒兵駐營南坂下使登壘視之曰可五六百騎

有頃復白騎稍多步兵不可勝數公曰勿復白乃令
騎解鞍放馬是時兵馬輜重就道諸將以爲敵騎多
不如還保營荀攸曰此所以餌敵也如何去之紹騎
將文醜與劉備將五六千騎前後至諸將復曰可上
馬公曰未也有頃騎至稍多或分趣輜重公曰可矣
乃皆上馬時騎不滿六百遂縱兵擊大破之○晉將
劉牢之宗武英討妖賊孫恩恩敗走虜男女二十餘
萬口一時入海懼官軍之躡乃緣道多棄寶物子女
時東土殷實莫不粲麗盈目牢之等遽收致故恩復
得逃入海孫恩用此
術得免○晉將李矩守滎陽後趙石勒
親率兵襲矩矩遣老弱入山令所在散馬牛因設伏

以待之賊爭取牛馬伏發齊呼聲動山遂大破之斬
獲甚衆勒乃退。十六國南涼秃髮傉檀傉如守姑
臧後秦姚興遣將姚弼等至於城下傉檀驅牛羊於
野弼衆採掠傉檀因分擊大破之。○後魏末大將廣
陽王元深伐北狄使于謹單騎入賊中示以恩信於
是西部鐵勒酋長也列河等三萬餘戶並款附相率
南遷廣陽欲與謹至折敦嶺迎接之謹曰破六汗拔
陵兵衆不少間也列河等歸附必來要擊彼若先據
險要則難與爭鋒今以也列河等餌之當競來抄掠
然後設伏而待必指掌破之廣陽然其計拔陵果來
要擊破也列河於嶺山部衆皆沒謹伏兵發賊遂大
敗悉以得也列河之衆。○隋煬帝征高麗隋將于仲
文率軍從樂浪道軍次烏骨城文簡羸馬驢數千置
於軍後既而率衆東過高麗出兵掩襲輜重仲文迴
擊大破之

軍勝虜掠被追襲多敗

俾檀以恠所獲致敗亦貪之累故附餌敵

後之

十六國南涼秃髮傉檀伐南涼沮渠蒙遜於姑臧至
番禾茗藿徒弔掠五千餘戶其將窟古進曰陛下轉
戰千里前無完陣徒戶資財盈溢衢路宜倍道還師
早度峻嶮蒙遜善於用兵士衆習戰若輕軍卒至出
吾慮表大敵外逼徙戶內攻危道也衛尉伊力延曰

我軍勢方盛將士勇氣自倍彼徒我騎勢不相及若
倍道遊師必捐棄資財示人以弱非計也俄而昏霧
風雨蒙遜軍大至俸檀大敗而還

抽軍附

大唐衛公李靖兵法曰諸兵馬被賊圍遶抽拔須設
方計一時齊拔賊即逐背揮戈因此必敗其兵共賊
相持事須抽拔者即須隔一隊抽一隊所抽之隊去
舊隊百步以下遂便立隊令持戈槍刀棒并弓弩等
張施賊張施了即抽前隊如賊來逼所張弓弩等人
便即放箭奮擊如其賊止不來其所抽隊便過向前
百步以下遂便往前立隊張施弓弩等待賊既施張
訖准前抽前隊隔次立陣即免被賊奔蹙其被抽之
隊不得急走須徐緩而行如賊相逼即須迴拒戰其
頭押官押後副隊頭引前如有走者仰押官隊頭便
斬違節度者斬全隊

孫子曰卑而驕之

彼其舉國興師怒而欲進則當外
示屈撓以高其志俟墮歸要而擊

之故王子曰善用法者如狸之捕鼠
力之與智不下之猶卑靜而下之

卑辭怠敵取之

戰國燕軍大破齊國齊將田單守即墨知士卒可用
乃身操板插與士卒分功妻妾編行伍之間盡散飯
食饗士令申卒皆伏使老弱女子乘城遣約降於燕
燕軍皆呼萬歲田單又收民金得千鎰令即墨富豪

遣使遺燕將書曰卽墨卽降願無掠虜吾族家妻妾
令安堵燕將大喜許之燕軍由此益懈田單出軍擊
大敗之

稱降及和因懈敗之

秦末天下兵起沛公西入武關欲以二萬人擊秦嶢
關下軍張良曰秦兵尚強未可輕也臣聞其將屠者
子賈豎易動以利願且留壁使人行爲五萬人具食
益張旗幟諸山之上爲疑兵令酈食其持重寶啗秦
貪而忽名可貨以賂秦將果欲連和俱西襲咸陽沛公欲聽之
良曰此獨其將欲叛士卒恐不從不從必危不如因
其懈怠擊之沛公乃引兵擊之秦軍大破○晉將李

矩守棗陽城前趙劉聰將劉暢步騎三萬討矩屯守
韓王故壘相去七里遣使招矩時暢卒至矩未暇爲
備遣使奉牛酒詐降于暢潛匿精勇見其老弱暢不
以爲虞大饗渠師人皆醉飽矩謀夜襲之暢僅以身
免○大唐貞觀初突厥頡利自原州却歸時遣李靖
討之頡利計窘使執失思力入朝謝罪請爲藩臣太
宗遣唐儉安脩仁持節出塞以安撫之頡利不肯朝
覲謀待草青馬肥將踰砂磧靖與其副將張公謹謀
曰制使到彼虜必自寬須率精騎齎二十日糧乘間
掩襲諸將皆曰詔許其降行人在彼奈何攻之靖曰
此兵機也督軍疾進奄踰白道過其斥候十餘帳皆

俘以隨軍頡利見使者甚悅不虞官兵之至靖軍奄到縱擊之遂滅其國

孫子曰凡兵者以正合以奇勝正者當敵奇兵從傍擊不備以正道合戰

以奇變也故善出奇者無窮如天地不竭如江河言應取勝也

奇無終而復始日月是也死而復生四時是也日行窮竭終而復始

入而復出四時更王興而復廢言奇正變化若日月之進退四時之盛衰也

兩軍相對取背破之

後漢初赤眉青犢十餘萬眾並在射犬光武引兵將擊之耿純軍在前去眾營數里賊忽夜攻純雨射營中士多死傷純勒部曲堅不動選敢死二千人俱持强弩各傳三矢使銜枚間行傳純出賊後齊聲呼謀

强弩並發賊眾驚走追擊遂破之○宋柳元景為隋

郡太守既至而蠻反斷驛道欲攻郡郡內力少糧仗

又乏元景設方畧得六七百人乃分五百人屯驛道

或曰蠻將逼城不宜分眾元景曰蠻聞郡遣重戍豈

悟城內兵少退且表集合勢於計為長會蠻兵至乃

使驛道兵潛出其後戒曰火舉馳進前後俱發蠻眾

驚擾投鄖水死者千餘人斬獲數百郡境肅然無復

寇抄○蕭齊末梁武帝發雍州東下雍州今大軍次襄陽郡

江寧梁武使呂僧珍與王茂率精兵先登梁武頓於

越城呂僧珍猶守白板齊主東昏將李居士密覘知

城中眾少率銳卒萬人直來薄城僧珍謂將士曰今

力既不敵不可與戰可勿遙射須至塹裏當并力破之俄而皆越塹拔柵僧珍分人上城矢石俱發自率馬步三百人出其後守陴者復踰城而下陴效內外齊擊居士等應時奔散○陳將周靈鎮安鄆州等高齊遣將陸騫以衆二萬出自巴鄆與靈留羸弱輜重設疑兵以當之身率精銳由間道邀其後大敗騫軍虜獲器械馬驢不可勝數○隋漢王諒據并州及隋將楊素率衆數萬討諒時晉絳呂三州並爲諒城守素各以二千人縻之而去諒遣將趙子開擁衆十餘萬柵絕徑路屯據高壁嶺布陣五十里素令諸將以兵臨之自引兵入霍山綠崖谷而進直指其營一戰

破之殺獲數萬

兩軍相對繼遣軍助即勝

後漢初河南賊張步據齊地漢將耿弇討之壁於臨

淄步與其三弟監弘壽及故大彤渠帥重異等兵姓重

也異名號二十萬至臨淄大城東將攻弇弇先出淄水

上與重異遇突騎欲縱弇恐挫其鋒今步不敢進故

示弱以盛其氣乃引歸以陳兵於內步氣盛直攻弇

營裨將劉歆等合戰弇升王宮壞臺觀之臨淄本齊國所都即

齊王宮中之壇臺也東觀記作康臺視歆等鋒交乃自引精兵橫交突

步陣於東城下大破之○後漢末呂布復從東昏與

陳宮將萬餘人來與曹公戰時兵皆出取麥在者不

能千人屯營不固曹公乃命婦人守陣悉將兵拒之
屯西有大堤其南樹木幽深布疑有伏乃相謂曰曹
操多詐勿入而伏中引軍南屯十餘里明日復來曹
公隱兵堤裏出半兵堤外布益進乃令輕兵挑戰既
合伏兵乘堤步騎並進遂大破之。大唐武德初王
克據東都太宗往征之屯青城宮營壘未立王克率
衆二萬自方諸門出臨穀水以禦大軍諸將甚懼太
宗以精騎陣於北邙登後魏宣武陵以觀賊陣謂左
右曰賊勢迫矣悉衆而出利在一戰今日破之其後
不能出矣乃令屈達突通率步卒五千度水布陣以
當之因戒通曰待兵交即放煙吾萬卒馬軍南下兵

縱接太宗以騎衝之挺身先進表裏合勢賊衆殊死
戰散而復合者數焉地既險隘賊多排積積穢也管子反騎
戰稍難太宗親自射之莫不應弦而倒起辰及午賊
衆始退因乘之迫于城斬俘斬七千人自是不敢復
出

兵多力有餘宜分軍相繼

東魏大將齊神武大舉伐西魏將度蒲津其將薛琡
曰取昌西賊連年饑饉但宜置兵諸道勿與野戰比
及來年麥秋人衆盡應餓死西賊自然歸降願王無
度河也侯景亦曰今者之舉兵衆極大萬一不捷卒
難收斂不如分爲二陣相繼而進前軍若勝後軍全

之前軍若敗後軍承之神武皆弗納遂有沙苑之敗

齊神武遠而敗

我寡敵衆自遠至乘疲敗之

晉司空劉琨守大原遣將姬澹率衆十餘萬討石勒勒將拒之或諫曰澹兵馬精盛其鋒不可當宜深溝高壘以挫其銳攻守之勢必獲萬全勒曰澹衆大遠來體疲力竭犬羊烏合號令不齊可一戰擒之何彊之有寇已垂至胡可捨去大軍一動豈易中還若澹乘我之退顧走乃無暇焉得深溝高壘乎此爲不戰而自滅亡之道立斬諫者以孔萇爲前鋒都督令三軍後出者斬設疑兵於山上分爲二伏勒輕騎與澹

戰僞收衆而北澹縱兵追之勒前後伏發夾擊澹軍

大敗○梁將陳慶之曹仲宗伐後魏之渦陽渦孤魏和反

遣將元昭等率兵來援前軍至駝間去渦陽四十里

慶之欲逆占戰諸將以賊之前鋒必是輕銳與戰若

捷不足爲功如其不利沮我軍陣勢兵法所謂以逸

待勞不如勿擊慶之曰魏人遠來皆已疲倦去我既

遠必不見疑及其未集須挫其氣出其不意必無敗

理且聞虜所據營林木甚盛必不夜出諸軍若皆疑

惑慶之請獨取之於是與麾下五百騎奔擊破其前

軍魏人震恐○齊神武與魏孝武帝構隙自大原舉

兵逼洛陽帝遣將元斌之斛斯椿丑倫鎮武牢遣使

告周文帝謂左右曰高歡數日行八九百里曉兵者
所忌正須乘便擊之而主上以萬乘之重不能渡河
決戰方緣津據守且長河萬里扞禦為難若一處得
度大事去矣果如其言帝西奔長安考武遠而敗東魏將
齊神武伐西魏軍至許原西周文帝至渭南徵諸州
兵皆未會乃召諸將謂之曰高歡越山度河遠來至
此天亡之時也今及其未至便可擊之即造浮橋於
渭令軍人齎子奚反三日糧輕騎度渭輜重自渭南夾
渭至軍至沙苑距齊神武軍六十餘里齊神武聞周
文王引軍來會觀周文軍少音馳而進不為行列搃
萃於左軍兵將交周文鳴鼓十聲奮起其將于謹等

六軍與之合戰李弼等率鐵騎橫擊之絕其軍為二
遂大破之斬六千餘級臨陣降者二萬餘人齊神武
夜遁追至河上復大剋獲前後虜其卒七萬留其甲
士二萬餘悉縱歸

孫子曰忿速可侮

急疾之人可忿怒而致死忿速易怒者偷怒疾急不計其難可動作

讎主不可以怒而興軍將不可以愠而致戰合於利

而用不合於利而止

人主聚眾興軍以道理勝負之計不可以已之私怒將舉兵則

以策不可以愠怒

怒可以復喜愠可以復悅亡國不

可復存死者不可以復生也

主怒興軍代人無素謀明計則國破亡矣將愠

怒而鬪倉卒而合戰所傷死必多怒愠可以復說故

曰明主慎之良將儆之此安危之道也

儆戒也

挑戰

戰國魏武侯問吳起曰兩軍相當不知其將欲擊何如起曰令賤而勇者將輕銳而擊之交而務北北而勿罰觀敵進取一坐一起其政以理奔北不追見利不取此將有謀若其衆追北旗幟離亂自止自行或縱或橫貪利務得凡若此類將令不行。楚漢相持彭越數絕楚糧道項羽欲討越謂其將曹咎曰謹守成軍漢欲挑戰慎勿與戰無令得東我十五日必誅彭越定梁地漢果數挑戰楚軍不出使人辱之五六日曹咎怒度兵汜水漢擊之大破楚軍盡得楚國貨賄曹咎自刎於汜水之上。十六國姚襄據黃落前

秦符生遣將黃眉鄧羗等率步騎討之襄深溝高壘固守不戰鄧羗說黃眉曰傷弓之鳥落於虛發襄頓為晉將桓溫張平所敗銳氣喪矣今固壘不戰是窮寇也襄性剛狠易以剛動若長驅鼓行且壓其壘襄必怒而出師可一戰擒也黃眉從之遣羗率騎三千軍於襄壘果怒盡銳出戰羗偽不勝引騎而退襄追之至于三原羗迴騎距襄俄而黃眉至大戰斬之盡俘其衆。宋將沈攸之反自江陵舉兵東下分兵出夏口據魯山攸之既至郢以郢城弱小不足攻遣人告郢州守將柳世隆曰被太后令當還都鄉既相與奉國想得此意世隆答曰東下之師久承聲問郢

城小鎮自守而已攸之將去世隆遣軍於西堵挑戰
攸之果怒令諸軍登岸燒郭邑築長圍攻之世隆隨
宜拒應衆皆披却攸之軍因之敗潰○隋末高祖起
兵自大原至霍邑隋將宋老生守城太宗以數騎詣
其城下舉鞭若將圍城者老生大怒開門出兵高祖
因謂隴西公建成曰汝看兩陣將引左軍直趨東
門命太宗引右軍直趨南門以斷其歸路老生之軍
背城而列陣高祖以中軍與建成合陣於城東太宗
陣於城南老生麾兵疾進先薄高祖而建成墜馬老
生乘之中軍與左軍咸却太宗自南門遙見塵起知
義師退率二百騎馳下峻坂殺一賊將遂衝斷其軍

出其陣後表裏齊譟隋師大潰遂擒老生而平霍邑

孫子曰凡處軍視生處高高陽也視謂自前戰降無

登無迎高也降下也謂山下也戰此處山谷之軍也

喜高而惡下貴陽而賤陰山南曰陽山北曰陰是爲必勝軍無

百疾丘陵隄防必處其高陽而右背之隄者積土所

戰之便也此兵之利而地之助也故用兵之法高

陵勿向也敵若據山陵依附險隘陳兵勿輕仰背丘

勿逆也敵背丘陵爲陣無有後患則

敵處高勿攻

蜀諸葛亮兵法曰山陵之戰不仰其高水上之戰不
逆其流草上之戰不涉其深平地之戰不逆其虛此

兵之利也故戰鬪之利唯氣與形也○後周遣將討高齊師圍洛陽齊將段韶禦之韶登坏坂聊欲觀周軍形勢至大和谷便值周軍即遣馳告諸營與諸將結陣以待之周軍以步人在前上逆戰韶以彼徒我騎且却且引待其力弊乃遣下馬擊之短兵始交周人大潰洛陽之圍並即奔遁

敵黨急之則合緩之則離

後漢末曹公征張繡於穰荀攸曰繡仰食於劉表久而勢必離今緩之可誘致急之則相救公不從與繡戰表果救之公敗歸曹公遣之故敗○曹公既剋鄴袁尚袁熙遂奔遼東衆有數千初遼東太守公孫康恃遠不

服曹公破烏丸或說公遂征之尚熙可擒公曰吾方使康斬送其首不煩兵公引兵還康果斬送尚熙傳其首諸將或問曰公還而斬尚熙何也公曰彼素畏尚熙其急之則并力緩之則自相圖其勢然也

假託安衆

春秋時晉文公卒將殯于曲沃出絳柩有聲如牛如聲之卜偃使大夫拜曰君命大事將有西歸師過軼我擊之必大捷焉秦伯使孟明視等三將襲鄭晉師禦于殽而敗之聲自柩出故曰君命曰天事戎事也卜偃聞秦密謀故因柩聲以安衆心也

○燕將騎劫代樂毅攻齊即墨齊將田單拒守乃令城中人食必祭其先祖於中庭飛鳥悉翔舞城中下

食燕人恠之單復宣言曰神來下教我及今日當有神人爲我師者有卒曰臣可以爲師乎田單乃起返走引東嚮師事之卒曰臣欺君誠無能田單曰子勿言也因師之每出入約束必稱神師衆心乃安竟破燕軍○秦二世初天下亂陳勝吳廣起兵於蕪欲收人心謀曰項燕爲楚將數有功愛士卒楚人憐之或以爲在今誠以吾衆爲天下倡宜多應者謂首廣以爲然迺行卜卜者知其指意曰足下事皆成功然足下之鬼乎卜者云事成有功然須假託鬼神乃可興起耳故勝廣曉其意則爲魚書微鳴以威衆勝廣喜僉曰此教我先威衆耳迺丹書帛曰陳勝王置人所罾魚腹中卒買魚烹食得書已恠之矣又

間令廣之次所旁叢祠中夜篝火狐鳴呼曰大楚

興陳勝王間有竊令人行也密於廣所次舍處旁側叢祠中爲之叢謂草木之岑蔚者也祠神

祠也備謂結起也卒皆夜驚恐旦日卒中往往指目勝廣因

而號令衆遂從之○世說新書曹公軍行失道三軍

皆渴公令曰前有大梅林饒于酸可以解渴士卒聞

之口皆水出乘及前水○晉將李矩守滎陽城劉聰

將劉暢討矩奉牛酒詐降謀夜襲之兵士以賊衆

皆有懼色矩令郭誦禱鄭子產祠曰君昔相鄭惡鳥

不鳴兇胡臭羯何得過庭使巫揚言東里有教富遣

神兵相助將士聞之皆踴躍爭進千使精選勇敢千

人夜掩暢營獲鎧馬甚多斬首數千級暢僅以身免

○十六國後趙石勒使將麻秋等伐張重華於武威
軍重華將謝艾曰乞假臣兵七千爲殿下吞之重華
以艾爲中堅持將軍配步騎五千擊之引師出振武
夜有二梟鳴於牙中艾曰梟邀也六博得梟者勝今
梟鳴牙中剋敵之兆於是進戰大破之斬首五千級
十六國後燕慕容寶遣將慕容麟率三萬餘人寇
新市甲子晦後魏遣武帝進軍討之太史令昝崇秦
曰昔紂以甲子亡兵家忌之不可出帝曰紂以甲子
亡周武不以勝乎崇無以對帝遂進軍新市賀麟退
阻沮洳水依漸洳澤以自固如而據反甲戌帝臨其營戰
於義臺塢大破之○東晉末宋武帝討慕容超圍廣

固城數月不援或說裕曰昔石勒將石季龍攻曹嶷

瞻氣者以爲滉音水帶城非可攻拔若塞五龍口城

必自陷季龍從之而嶷降慕容恪圍段龕亦如之而

龕降降後無幾又震開之今舊跡猶在可塞之裕從

其言於是城中男女患脚弱疾者大半時有蒼鷺飛

入其帳坐衆咸驚愕其將胡蕃獨賀曰蒼者胡色也

胡虜歸我之徵衆曰鷺者我也大悅將攻城諸將咸

諫曰今徃亡之日兵家所忌裕曰我徃彼亡吉孰大

焉乃命悉登遂平廣固○東晉末嶺南賊盧循寇建

業宋武帝擊破走至彭蠡湖乃悉力柵斷尤里大軍

至尤里將戰帝所執麾竿折幡沉水衆並恠懼帝歡

笑曰往年覆舟之戰幡竿亦折今者復然賊必破矣
即攻柵而進循兵雖殊死戰弗能禁諸軍乘勝奔之
循單舸走所殺及投水死凡萬餘人納其降附有其
逼掠遣劉藩孟懷玉輕軍追之循收散卒尚有數千
人遙還廣州○梁庾域爲華陽太守後魏軍攻圍南
鄭時糧儲寡少人情凶懼凶許州有空倉數十所域
手自封題指示將士云此中粟皆滿足支二年但努
力堅守衆心以安虜退○隋末李密據興洛倉破宇
文化及還士卒皆疲倦隋將王克欲乘其弊而擊之
恐衆心不一乃假託鬼神言夢見周公乃立祠於洛
水之上遣巫宣言周公欲令僕射急討李密當有大
功不則兵皆疲死克兵多楚人俗信妖言以惑衆皆
請戰遂破密



上海圖書館藏



不 許 複 製

NOT TO BE REPRODUCED

東京大学東洋文化研究所